

四庫全書

史部

欽定四庫全書

明史卷十

大學士張廷玉等奉勅修

本紀第十

英宗前紀

英宗法天立道仁明誠敬昭文憲武至德廣孝睿皇帝
諱祁鎮宣宗長子也母貴妃孫氏生四月立為皇太子
遂冊貴妃為皇后宣德十年春正月宣宗崩壬午即皇

帝位年九歲遵遺詔大事白皇太后行大赦天下以明年為正統元年始罷午朝丁亥尚書寒義卒辛丑戶部尚書黃福叅贊南京守備機務二月戊申尊皇太后為太皇太后庚戌尊皇后為皇太后辛亥封弟祁鈺為郕王甲寅罷諸司冗費三月戊寅放教坊司樂工三千八百餘人辛巳罷山陵夫役萬七千人丙申諭三法司死罪臨決三覆奏然後加刑夏四月壬戌以元學士吳澄從祀孔子廟庭丁卯以久旱考察布按二司及府州縣

官戊辰遣給事中御史捕畿南山東河南淮安蝗五月
壬午戶部言浙江蘇松荒田稅糧例減二百七十七萬
餘石請加覆覈帝以覈實必增額為民患不許六月丁
未令天下瘞暴骸辛酉葬章皇帝於景陵秋七月丙子
免山西夏稅之半八月丙午減光祿寺膳夫四千七百
餘人九月壬辰詔督漕總兵及諸巡撫官歲以八月至
京會廷臣議事是月王振掌司禮監始導帝用重曲御
大臣因以市權帝傾心嚮之冬十月壬寅遣使諭阿勒

台多爾濟巴勒辛亥詔天下衛所皆立學十一月戊辰朔日有食之十二月壬子阿勒台多爾濟巴勒犯涼州鎮番總兵官陳懋敗之於黑山是年琉球中山暹羅日本占城安南滿刺加哈密衛拉特入貢

正統元年春正月丙戌罷貴州銅仁金場庫寅發禁軍三萬人屯田畿輔三月己巳賜周旋等進士及第出身有差乙亥御經筵夏四月丁酉朔享太廟五月丁卯阿勒台多爾濟巴勒寇肅州壬辰設提督學校官秋八月

甲戌命左都督蔣貴充總兵官都督同知趙安副之師
師討阿勒台多爾濟巴勒九月癸卯遣侍郎何文淵王
佐副都御史朱與言偕中官督兩淮長蘆浙江鹽課欽
差巡鹽自此始庚申封黎利子麟為安南國王冬十一
月乙卯詔京官三品以上舉堪任御史者四品及侍從
言官舉堪任知縣者各一人免湖廣被災稅糧十二月
丁丑以西北邊議稽緩下兵部尚書王驥侍郎鄺埜於
獄尋釋之乙酉湖廣貴州總兵官蕭授討廣西蒙額十

六洞賊平之是年琉球中山瓜哇安南烏斯藏占城衛
拉特八貢遣宣德時來貢古里蘇門答刺等十一國使
臣還國

二年春正月甲午宣宗神主祔太廟己亥命大同總兵
官方政都指揮楊洪會寧夏甘肅兵出塞討阿勒台多
爾濟巴勒三月甲午錄囚戊午命御史金敬撫輯大名
及河南陝西逃民夏四月免河南被災田糧五月庚寅
命兵部尚書王驥經理甘肅邊務壬寅命刑部尚書魏

源經理大同邊務丁未免陝西平涼六府旱災夏稅六月乙亥以宋胡安國蔡沈真德秀從祀孔子廟庭庚辰命副都御史賈諒侍郎鄭辰振河南江北饑冬十月甲子命鎮守甘肅左副總兵任禮充總兵官都督蔣貴都督同知趙安為左右副總兵兵部侍郎柴車僉都御史曹翼羅亨信叅贊軍務討阿勒台多爾濟巴勒兵部尚書王驥太監王貴監督之十一月乙巳振河南饑免稅糧是年琉球中山賽瑪爾堪暹羅吐魯番衛拉特哈密入

貢

三年春三月己亥京師地震辛丑振陝西饑夏四月己卯王驥任禮蔣貴趙安襲擊阿勒台多爾濟巴勒大破之追至黑泉還癸未立大同馬市六月癸酉以旱獻中外疑獄己亥命都督方政僉事張榮同征南將軍黔國公沐晟右都督沐昂討麓川叛蠻思任發秋七月癸未以再失印下禮部尚書胡濙於獄辛卯下戶部尚書劉中敷於獄尋俱釋之八月己亥以陝西饑令雜犯死囚

以下輸銀贖罪送邊吏易米九月癸巳蜀兩畿湖廣通
賦冬十月癸丑再振陝西饑十二月丙辰下刑部尚書
魏源右都御史陳智等於獄是年榜葛刺貢麒麟中外表
賀琉球中山暹羅占城衛拉特入貢

四年春正月壬午方政破麓川蠻於大寨追至空泥敗
沒二月丁巳總兵官蕭授平貴州計砂叛苗閏月辛丑
釋魏源陳智等復其官并宥棄交趾成山侯王通太監
馬騏罪三月己酉詔赦天下壬子賜施槃等進士及第

出身有差庫申遼王貴烺有罪廢為庶人丁卯黔國公沐晟卒於軍癸酉增南京及在外文武官軍俸廩夏五月庫戌命右都督沐昂為征南將軍充總兵官討思任發丁卯錄中外囚六月乙未京師地震丁酉以京畿水災祭告天地諭羣臣修省戊戌下詔寬卹求直言秋七月庫戌免兩畿山東江西河南被災稅糧壬申汰冗官八月戊戌增設沿海備倭官己亥京師地震冬十二月丁丑命都督同知李安充總兵官僉都御史王翱叅贊

軍務討松潘祈命簇叛番是年琉球占城安南衛拉特
榜葛刺滿刺加哈密入貢

五年春正月己未大祀天地於南郊二月乙亥以待講
學士馬愉侍講曹鼐入閣預機務甲申命僉都御史張
純大理少卿李吟振撫畿內流民三月戊申建北京宮
殿夏四月壬申免山西逋賦丙戌祈命簇番降五月征
麓川叅將張榮敗績於芒市六月丁丑免兩畿被災田
糧戊寅錄囚秋七月辛丑遣刑部侍郎何文淵等分行

天下修備荒之政壬寅楊榮卒八月乙未令各邊修舉
荒政九月壬寅蠲雲南通賦冬十一月壬寅振浙江饑
壬子免蘇松常鎮嘉湖水災稅糧丁巳廣西僧楊行祥
偽稱建文帝械送京師錮錦衣衛獄死乙丑沐昂討平
師宗叛蠻十二月壬午免南畿浙江山東河南被災稅
糧是年占城琉球中山哈密烏斯藏入貢

六年春正月己亥朔日當食不見禮官請表賀不許庚
戌大祀天地於南郊乙卯以莊浪地屢震躬祀郊廟遣

使祭西方嶽鎮大舉征麓川命定西伯蔣貴為平蠻將
軍都督同知李安僉事劉聚副之兵部尚書王驥總督
軍務三月庫子下兵部侍郎于謙於獄夏四月甲午以
災異遣使省天下疑獄五月甲寅命刑部侍郎何文淵
大理卿王文錄在京刑獄巡撫侍郎周忱刑科給事中
郭瑾錄南京刑獄釋于謙為大理少卿秋七月丁未振
浙江湖廣饑冬十月丁丑戶部尚書劉中敷侍郎吳璽
陳瑋荷校於長安門旬餘釋還職庚寅免畿內被災稅

糧十一月甲午朔乾清坤寧二宮奉天華蓋謹身三殿
成大赦定都北京文武諸司不稱行在癸卯王驥拔麓
川上江寨癸丑免河南山東及鳳陽等府被災稅糧閏
月甲戌復下劉中敷吳璽陳瑞于獄踰年釋中敷為民
璽瑞戍邊十二月王驥克麓川思任發走孟養丁未班
師左副總兵李安攻餘賊於高黎貢山敗績是年占城
衛拉特哈密入貢

七年春正月甲戌大祀天地於南郊二月庚申如天壽

山三月甲子還宮乙亥免陝西屯糧十之五戊寅賜劉儼等進士及第出身有差夏四月甲午振陝西饑是月免山西河南山東被災稅糧五月壬申論平麓川功進封蔣貴為侯王驥靖遠伯甲戌都督同知李安以違律喪師下獄戊寅立皇后錢氏丁亥倭陷大嵩所六月壬子命戶部侍郎焦宏備倭浙江秋七月丙寅振陝西饑民贖民所鬻子女八月壬寅復命王驥總督雲南軍務九月甲戌陝西進嘉禾禮臣請表賀不許冬十月壬辰

烏梁海犯廣寧己巳太皇太后崩十二月塋誠孝昭皇
后於獻陵是年占城衛拉特哈密琉球中山安南爪哇
吐魯番烏斯藏入貢

八年春正月丁卯大祀天地於南郊二月己丑汰南京
冗官戊戌淮王瞻塙來朝丙午荆王瞻墁來朝夏五月
己巳復命平蠻將軍蔣貴同王驥帥師征麓川思任發
子思機發戊寅雷震奉天殿鵠吻勅修省壬午大赦六
月丁亥侍講劉球陳十事下錦衣衛獄太監王振使指

揮馬順殺之甲辰下大理少卿薛瑄於獄秋七月戊午
祭酒李時勉荷校於國子監門三日九月甲子思機發
請降冬十一月宣宗廢后胡氏卒十二月癸未免山東
復業民稅糧二年丙戌駙馬都尉焦敬荷校於長安右
門是年占城安南衛拉特哈密瓜哇八貢

九年春正月甲寅命右都御史王文巡延安寧夏邊辛
酉大祀天地於南郊辛未命成國公朱勇興安伯徐亨
都督馬亮陳懷同太監僧保曹吉祥劉永誠但住分道

討烏梁海二月丙午王驥擊走思機發俘其孥以獻召
驥還三月辛亥朔新建太學成釋奠於先師孔子甲子
朱勇等師還兵部劾治其罪詔勿問楊士奇卒乙丑叙
征烏梁海功封陳懷平鄉伯馬亮招遠伯成國公朱勇
等進秩有差夏四月丙戌命翰林學士陳循直文淵閣
預機務丁亥振沙州及赤斤蒙古饑五月己未命法司
錄在京刑獄刑部侍郎馬昂錄南京刑獄六月壬午振
湖廣貴州蠻饑秋七月己酉下駙馬都尉石璟錦衣衛

獄處州賊葉宗留盜福安銀礦殺福建叅議竺淵癸丑
免河南被災稅糧閏月戊寅復開福建浙江銀場命戶
部侍郎王質往經理甲申瘞暴骸壬寅雷震奉先殿鵠
吻八月庚戌免陝西被災稅糧贖民所鬻子女甲戌勅
邊將備衛拉特額森九月丁亥靖遠伯王驥右都御史
陳鎰經理西北邊備冬十月丙午朔日有食之庚午烏
梁海貢馬謝罪是年兩畿山東河南浙江湖廣大水江
河皆溢暹羅琉球中山衛拉特安南烏斯藏滿剌加入

貢

十年春正月丙戌大祀天地於南郊戊子詔舉智勇之士二月丁巳京師地震已未免陝西逋賦丙寅烏梁海貢馬請貸犯邊者罪不許壬申如天壽山三月丙子還宮庫辰思機發入貢謝罪庫寅賜商輅等進士及第出身有差夏四月甲辰朔日有食之庫申詔所在有司飼逃民復業及流移就食者六月乙丑振陝西饑免田租三之二秋七月乙未減糶河南懷慶倉粟濟山陝饑八

月癸丑免湖廣被災秋糧丙辰免蘇松嘉湖十四府州
水災秋糧冬十月戊辰以侍讀學士苗衷為兵部侍郎
侍講學士高穀為工部侍郎並入閣預機務十二月丙
辰緬甸獲思任發斬其首送京師壬辰輸河南粟振陝
西饑廣西總兵官安遠侯柳溥討平慶遠叛蠻是年琉
球中山哈密伊蘭巴里安南占城滿刺加錫蘭山賽瑪
爾堪烏斯藏入貢

十一年春正月己卯大祀天地於南郊庚辰予太監王

振等弟姪世襲錦衣衛官二月辛酉異氣見華蓋奉天
殿遣官祭告天地癸亥詔卹刑獄三月戊辰下戶部尚
書王佐刑部尚書金濂右都御史陳鑑等於錦衣衛獄
尋釋之壬申命御史柳華督福建浙江江西兵討礦賊
癸酉如天壽山庚辰還宮夏六月丙辰京師地震秋七
月癸酉增市廛稅鈔庚辰楊溥卒八月戊戌免湖廣被
災秋糧庚申以同官相許下吏部尚書王直侍郎趙新
曹戶部侍郎李亨等于獄尋釋之九月辛巳廣西徭

叛執化州知州茅自得殺千戶汪義冬十月甲寅遣給事中御史分賚諸邊軍士十一月壬申減殊死以下罪是年琉球中山暹羅安南瓜哇回回哈密占城伊蘭巴里賽瑪爾堪烏斯藏入貢

十二年春正月癸酉大祀天地於南郊三月癸亥如天壽山庫午還宮丙子免杭嘉湖被災秋糧夏四月丁巳免蘇松常鎮被災秋糧五月己亥命大理少卿張驥振濟寧及淮揚饑秋七月甲辰勅各邊練軍備衛拉特八

月庚申朔日有食之九月乙未馬愉卒是年琉球中山
安南占城衛拉特爪哇哈密暹羅入貢

十三年春正月丁酉大祀天地於南郊三月戊子詔責
孟養宣慰司獻思機發壬寅賜彭時等進士及第出身
有差命王驥仍總督軍務都督同知宮聚為平蠻將軍
充總兵官帥師討思機發夏四月免浙江江西湖廣被
災秋糧五月丙戌遣使捕山東蝗甲辰命刑部侍郎丁
鉉撫輯河南山東災民秋七月乙酉河決大名沒三百

餘里遣使蠲振己酉河決河南沒曹濮東昌潰壽張沙
灣壞運道命工部侍郎王永和治之八月乙卯福建沙縣
賊鄧茂七作亂陷二十餘縣甲戌命御史丁瑄捕之冬
十一月丙戌命寧陽侯陳懋充總兵官保定伯梁瑄平
江伯陳豫副之太監曹吉祥王瑾提督火器刑部尚書
金濂叅贊軍務討鄧茂七甲辰處州賊流劫金華諸縣
庚戌命永康侯徐安備倭山東十二月庚午廣東猺賊
作亂是年琉球中山安南占城入貢衛拉特貢使三千

人賞不如例遂構釁

十四年春正月甲午大祀天地於南郊乙巳暫停浙江
福建銀課二月丁巳御史丁瑄指揮劉福擊斬鄧茂七
於延平己巳王驥破思機發於金沙江又破之鬼哭山
班師辛未指揮僉事徐恭充總兵官討處州賊葉宗留
工部尚書石璞叅贊軍務三月戊子如天壽山癸巳還
宮夏四月庚戌處州賊犯崇安殺都指揮吳剛壬戌湖
廣貴州苗賊大起命王驥討之乙丑遣御史十三人同

中官督福建浙江銀課五月丙戌陳懋等擊破沙縣賊
餘黨悉平壬辰旱太監金英同法司錄囚己亥命侍讀
學士張益直文淵閣預機務庚子巡按福建御史汪澄
坐失機前御史柴文顯匿不奏賊並逮誅六月庚戌靖
州苗犯辰溪都指揮高亮戰死丙辰南京謹身諸殿災
甲子修省詔河南山西班軍番休者盡赴大同宣府乙
丑命西寧侯宋瑛總督大同兵馬己巳以殿災赦天下
戊寅平鄉伯陳懷駙馬都尉井源都督王貴吳克勤太

監林壽分練京軍於大同宣府備衛拉特秋七月己丑
衛拉特額森寇大同叅將吳浩戰死王振挾帝親征吏
部尚書王直帥羣臣諫不聽癸巳命邸王居守是日西
寧侯宋瑛武進伯朱冕與衛拉特戰於陽和敗沒甲午
發京師乙未次龍虎臺軍中夜驚丁酉次居庸關辛丑
次宣府羣臣屢請駐蹕不許丙午次陽和八月戊申次
大同鎮守太監郭敬諫議旋師己酉命廣寧伯劉安為
總兵官鎮大同庚戌師還丁巳次宣府庫申衛拉特兵

大至恭順侯吳克忠都督吳克勤戰沒成國公朱勇永
順伯薛綬救之至鷄兒嶺遇伏全軍盡覆辛酉次土木
諸臣議入保懷來王振沮之被圍壬戌師潰死者數十
萬英國公張輔泰寧侯陳瀛駙馬都尉井源平鄉伯陳
懷襄城伯李珍遂安伯陳埧修武伯沈榮都督梁成王
貴尚書王佐鄺埜學士曹鼐張益侍郎丁鉉王永和副
都御史鄧榮等皆死帝北狩甲子京師聞敗羣臣聚哭
於朝侍講徐程請南遷兵部侍郎于謙不可乙丑皇太

后命邲王監國戊辰帝至大同己巳皇太后命立皇子
見深為皇太子辛未帝至威寧海子甲戌至黑河九月
癸未邲王即位遙尊帝為太上皇帝

明史卷十

欽定四庫全書

明文卷十一

大學士張廷玉等奉 勅修

本紀第十一

景帝

恭仁康定景皇帝諱祁鈺宣宗次子也母賢妃吳氏英宗即位封郕王正統十四年秋八月英宗北狩皇太后命王監國丙寅移通州糧入京師徵兩畿山東河南備

倭運糧諸軍入衛名寧陽侯陳懋帥師還戊辰以兵部侍郎于謙為本部尚書令羣臣直言時事舉人材已巳皇太后詔立皇子見深為皇太子仍命郕王為輔卹陣亡將士庚午籍王振家辛未命右都御史陳鑑撫安畿內軍氏壬申命都督石亨總京營兵乙亥諭邊將衛拉特奉駕至不得輕出輸南京軍器於京師命修撰商輅彭時入閣預機務是月廣東賊黃蕭養作亂九月癸未王即皇帝位遙尊皇帝為太上皇帝以明年為景泰元

年大赦天下免景泰二年田租十之三甲申夷王振族
庚寅處州賊平癸巳指揮僉事李鐸奉皇太后命達於
上皇甲午祭宣府土木陣亡將士瘞遺骸乙未總兵官
安鄉伯張安討廣州賊敗死指揮僉事王清被執死之
辛丑以給事中孫祥郎中羅通為右副都御史分守紫
荊居庸關甲辰遣御史十五人募兵畿內山東山西河
南都督同知陳友帥師討湖廣貴州叛苗乙巳遣使奉
書上皇丙午苗圍平越衛調雲南四川兵會王驥討之

以叅議楊信民為右僉都御史討廣東賊冬十月戊申朔額森擁上皇至大同壬子詔諸王勤王乙卯于謙提督諸營石亨及諸將分守九門丙辰叛閹喜寧導額森陷紫荊關孫祥死之京師戒嚴丁巳詔宣府遼東總兵官山東河南山西陝西巡撫及募兵御史將兵入援戊午額森薄都城都督高禮毛福壽右都督孫鏗力戰敗之于彰義門己未右通政王復太常少卿王榮使額森營朝上皇于土城庚申徵兵于朝鮮調河州諸衛土軍入

拔于謙石亨等連敗頗森衆于城下右都督武興戰死
壬戌寇退甲子出紫荆關丁卯詔止諸王兵衛拉特汗
托克托布哈使來辛未命昌平伯楊洪充總兵官都督
孫鏜范廣副之勦畿內餘寇十一月癸未修沿邊關隘
辛卯命毛福壽為副總兵討辰州叛苗壬辰上皇至衛
拉特乙未命侍郎耿九疇撫安南畿流民賜復三年十
一月庚戌尊皇太后為上聖皇太后辛亥命王驥為平
蠻將軍充總兵官討貴州叛苗侍郎候璉總督軍務都

督同知董興為左副總兵討廣東賊戶部侍郎孟鑑叅
贊軍務癸丑尊母賢妃為皇太后甲寅立妃汪氏為皇
后丙辰大赦己未命石亨楊洪柳溥分練京營兵戊辰
祭陣亡官軍于西直門外是年琉球中山占城烏斯藏
賽瑪爾堪入貢

景泰元年春正月丁丑朔罷朝賀辛巳城昌平壬午享
太廟丙戌大祀天地于南郊閏月甲寅衛拉特寇寧夏
癸亥詔會試取士母拘顏庚午大同總兵官郭登敗衛

拉特于沙窩又追敗之于楞模山封登定襄伯是月免
大名真定開封衛輝被災稅糧二月戊寅耕耤田癸未
懸賞格招陷敵軍民丙戌命石亨為鎮朔大將軍帥師
巡大同都指揮同知楊能充遊擊將軍巡宣府壬辰叛
閹喜寧伏誅三月己酉衛拉特寇朔州辛亥錄土木死
事諸臣後癸丑衛拉特寇寧夏慶陽乙卯寇朔州癸亥
免畿內逋賦及夏稅夏四月丙子廣東都指揮李昇何
貴帥兵捕海賊戰死辛巳衛拉特寇大同官軍擊却之

丁亥命保定伯梁瑄代王驥討貴州叛苗戊子遣大理
寺丞李茂錄回南京考黜百司訪軍民利病丙申衛拉
特寇雁門己亥命都督同知劉安充總兵官練兵於真
定保定及涿易通三州僉都御史曹泰叅贊軍務庚子
振山東饑辛丑振畿內被寇州縣癸卯衛拉特寇大同
郭登擊却之五月乙巳免山西被災稅糧衛拉特掠河
曲代州遂南犯詔劉安督涿易諸軍禦之茂申衛拉特
寇雁門益黃花鎮戊戌兵衛陵寢癸丑董興擊破廣東賊

黃蕭養伏誅餘黨盡殄壬戌振大同被冠軍民丙寅侍郎侯璉副總兵田禮大破貴州苗辛未衛拉特遣使請和六月壬午衛拉特寇大同郭登擊却之丙戌額森復擁上皇至大同丁亥左都御史陳鑑王文以鞫太監金英家人不實下獄尋釋之戊子衛拉特寇宣府都督朱謙叅將紀廣禦却之戊戌免山東被災州縣稅糧己亥給事中李實大理寺丞羅綺使衛拉特秋七月庚戌尚書侯璉叅將方瑛破貴州苗擒其首獻京師庚申右都

御史楊善工部侍郎趙榮使衛拉特停山西民運糧大同癸亥李實羅綺還己巳楊善至衛拉特額森許上皇歸八月癸酉上皇發衛拉特戊寅祀社稷甲申遣侍讀商輅迎上皇于居庸關丙戌上皇還京師帝迎于東安門入居南宮帝帥百官朝謁庚寅赦天下辛卯以刑部右侍郎江淵兼翰林學士直文淵閣預機務九月癸丑命巡撫河南副都御史王來總督湖廣貴州軍務計數苗冬十月辛卯錄囚癸己免畿內逋賦十一月辛亥禮

部尚書胡濙請令百官賀上皇萬壽節十二月丙申復
請明年正旦百官朝上皇于延安門皆不許是年朝鮮
貢馬者三

二年春正月庚戌大祀天地于南郊壬子詔天下朝覲
官當黜者運糧口外二月辛未釋奠于先師孔子辛卯
以星變修省詔廷臣條議寬卹諸政癸巳詔畿內及山
東巡撫官舉廉能吏專司勸農授民荒田貸牛種三月
壬寅賜柯潛等進士及第出身有差夏四月乙酉梁瑄

王來等破平越苗獻俘京師甲午衛拉特寇宣府馬營
勅遊擊將軍石彪等巡邊乙未命石亨選京營兵操練
尚書石璞總督軍務五月乙巳城固原調西安等衛官
軍戍之六月戊辰朔日當食不見己卯詔貴州各衛修
舉屯田秋七月戊申晉定永寧畢節諸苗復叛梁珪等
留軍討之八月壬申南京地震辛巳復午朝九月乙卯
禁諸司起復冬十月己丑免山西被災稅糧十二月庚
寅以禮部左侍郎王一寧祭酒蕭鎡兼翰林學士直文

淵閣預機務是月額森弑其主托克托布哈是年安南琉球中山衛拉特哈密入貢

三年春正月丙午大祀天地于南郊二月乙酉副都御史劉廣衡錄南京囚戌子戶部尚書金濂以違詔徵收應免稅糧下獄尋釋之三月戊午毛福壽討湖廣巴馬苗克之夏四月甲申廣西土目黃珌有罪懼誅因馳奏請易皇太子帝曰萬里外乃有此忠臣下廷臣議并釋珌罪五月甲午廢皇太子見深為沂王立皇子見濟為

皇太子廢皇后汪氏立太子母杭氏為皇后封上皇子
見清榮王見溥許王大赦天下丙申築沙灣堤成辛丑
河南流民復業者計口給食五年乙巳官顏孟二氏子
孫各一人六月乙亥以寇警民流罷各省巡撫官入京
議事是月大雨河決沙灣秋七月乙未左都御史王翱
總督兩廣軍務壬寅王一寧卒八月乙丑振徐兗水災
戊辰命都御史洪英尚書孫原貞薛希璉等分行天下
考察官吏丁丑振兩畿水災州縣免稅糧乙酉振南畿

河南山東流民九月庚寅江淵起復辛卯以南京地震
兩淮大水河決命都御史王文巡視安輯乙未振兩畿
山東山西福建廣西江西遼東被災州縣閏月癸未復
開處州銀場是月福建盜起冬十月戊戌以左都御史
王文兼翰林學士直文淵閣預機務丙辰命都督孫鏜
僉事石彪守大同都督同知衛穎僉事楊能張欽守宣
府備額森十一月己未朔日有食之戊辰都督方瑛平
白石崖諸苗甲戌安輯畿內山東山西逃民復賦役五

年是月免山東及淮徐水災稅糧十二月癸巳始立團
營命太監阮讓都督楊俊等分統之聽于謙石亨太監
劉永誠曹吉祥節制是月免河南及永平被災秋糧是
年衛拉特琉球中山瓜哇暹羅安南哈密烏斯藏入貢
四年春正月辛未大祀天地于南郊二月戊子五開清
浪諸苗復叛梁瑄王來討之庚戌免江西去年被災秋
糧三月戊寅復開建寧銀場夏四月戊子募沙灣決口
運南京倉粟振徐州五月丁巳發徐淮倉振饑民己巳

王文起復甲戌徐州復大水民益饑發支運及鹽課糧振之丁丑發淮安倉振鳳陽乙酉沙灣河復決六月壬辰吏部尚書何文淵以給事中林聰言下獄尋令致仕辛亥瘞土木大同紫荆關暴骸秋七月庚辰停諸不急工役八月己丑振河南饑甲午額森自立為汗冬十月庚寅詔天下鎮守巡撫官督課農桑甲午以諭德徐有貞為左僉都御史治沙灣決河戊戌額森遣使來十一月辛未皇太子見濟薨十二月乙未免山東被災稅糧

乙巳賚邊軍是年琉球中山安南瓜哇日本占城哈密
衛拉特入貢

五年春正月戊午黃河清自龍門至于芮城甲子大祀
天地于南郊壬申罷福建寧銀場甲戌命平江侯陳
豫學士江淵撫輯山東河南被災軍民二月乙巳以雨
暘弗時詔修省求直言三月壬子賜孫賢等進士及第
出身有差辛酉命學士江淵振淮北饑民王文撫卹
南畿甲子總督兩廣副都御史馬昂破瀧水搖庚辰緬

甸執獻思機發夏四月壬午朔日有食之辛卯方瑛破
草塘苗封瑛南和伯五月甲子禮部郎中章綸御史鍾
同以請復沂王為皇太子下錦衣衛獄六月戊子錄囚
秋七月癸酉振南畿水災八月丁酉復命天下巡撫官
赴京師議事九月壬戌免蘇松常揚杭嘉湖漕糧二百
餘萬石冬十月庚辰副都御史劉廣衡巡撫浙江福建
專司討賊十一月戊午罷蘇松常鎮織造採辦十二月
免南畿浙江被災稅糧是年安南琉球中山爪哇入貢

額森為知院阿拉所殺

六年春正月戊午大祀天地于南郊二月壬午太監王誠同法司刑科錄囚大理少卿李茂等錄南京浙江囚夏四月丙子朔日有食之辛巳勅戶兵二部及兩畿山東河南浙江湖廣撫按三司官條寬卹事罷不急諸務五月己巳禱雨於南郊六月乙亥授宋儒朱熹裔孫挺為翰林院世襲五經博士癸未河決開封詔三司築之秋七月乙亥沙灣決口隄成庚寅以南京災異屢見勅

羣臣修省八月庚申南京大理少卿廖莊以請復沂王
為皇太子杖于闕下并杖章綸鍾同于獄同斃九月乙
亥振蘇松饑民米麥一百餘萬石冬十月戊午免陝西
被災稅糧十一月乙亥命南和伯方瑛為平蠻將軍充
總兵官討湖廣苗十二月己巳免南畿被災秋糧是年
琉球中山暹羅哈密滿刺加入貢

七年春正月己卯以苗賊未平命尚書石璞撫安湖廣
軍民壬午大祀天地于南郊二月庚申皇后崩甲子營

壽陵三月戊寅免雲南被災稅糧夏五月戊寅以水旱災異勅內外諸臣修省辛卯授宋儒周敦頤裔孫冕為翰林院世襲五經博士六月庚申葬肅孝皇后冬十月癸卯振江西饑十二月己亥方瑛大破湖廣苗戊午振畿內山東河南水災癸亥帝不豫罷明年元旦朝賀是冬免畿內山東被災稅糧並蠲逋賦是年琉球中山賽瑪爾堪烏斯藏入貢

八年春正月戊辰免江西被災稅糧丁丑帝興疾宿南

郊齋宮已卯羣臣請建太子不聽壬午武清侯石亨副
都御史徐有貞等迎上皇復位二月乙未廢帝為郕王
遷西內皇太后吳氏以下悉仍舊號癸丑王薨于西宮
年三十謚曰戾毀所營壽陵以親王禮葬西山給武成
中衛軍二百戶守護成化十一年十二月戊子制曰朕
叔郕王踐阼戡難保邦奠安宗社殆將八載彌留之際
姦臣貪功妄興讒構請削帝號先帝旋知其枉每用悔
恨以次抵諸姦于法不幸上賓未及舉正朕敦念親親

用成先志可仍皇帝之號其議謚以聞遂上尊謚敕有

司繕陵寢祭饗視諸陵

贊曰景帝奉命居攝宜也當倥偬之際大難怵心任賢
勤政宗社再安所謂其亡其亡繫于苞桑者歟至其逾
月即位汲汲易儲南內深錮恩誼惻然終于興疾齋宮

小人乘間邀利事起倉猝不克以令名終惜夫

欽定四庫全書

明史卷十二

大學士張廷玉等奉勅修

本紀第十二

英宗後紀

天順元年春正月壬午昧爽武清侯石亨都督張軫張軫左都御史楊善副都御史徐有貞太監曹吉祥以兵迎帝於南宮御奉天門朝百官命徐有貞以原官兼翰

林學士入閣預機務日中御奉天殿即位下兵部尚書
于謙大學士王文錦衣衛獄以太常寺卿許彬大理寺
卿薛瑄為禮部侍郎兼翰林學士入閣預機務丙戌詔
赦天下改景泰八年為天順元年論奪門迎復功封石
亨忠國公張軫太平侯張輓文安伯楊善興濟伯曹吉
祥嗣子欽都督同知丁亥殺于謙王文籍其家陳循江
淵俞士悅謫戍蕭鎡商輅除名己丑復論奪門功封孫
鏜懷寧伯董興海寧伯欽天監正楊序禮部右侍郎官

舍旗軍晉級者凡三千餘人辛卯罷巡撫提督官軍民
事務總兵官理之巡按御史究治不法壬辰榜于謙黨
人示天下甲午殺昌平侯楊俊二月乙未朔廢景泰帝
為郕王庚子高穀致仕湯序請除景泰年號不許癸卯
以吏部侍郎李賢兼翰林學士入閣預機務殺都督范
廣戊申柳溥破廣西蠻癸丑郕王薨戊午方瑛石璞大
破湖廣苗召璞還壬戌免南畿被災秋糧三月己巳復
立長子見深為皇太子封皇子見潏為德王見澍秀王

見澤崇王見俊吉王癸酉封徐有貞武功伯乙亥大賚
文武軍民庚辰賜黎淳進士及第出身有差命石亨為
征虜副將軍勦寇綏延丁亥振山東饑夏四月甲午朔
以災異數見求直言乙未免浙江被災稅糧丁酉方瑛
攻銅鼓藕洞苗悉平之丁未錄囚癸丑罷團營乙卯寶
喇冠寧夏參將种興戰死五月辛未命安遠侯柳溥備
宣大邊是月以石亨言下御史楊瑄張鵬獄六月甲午
悉收諸御史下獄右都御史耿九疇副都御史羅綺錦

衣衛獄己亥下徐有貞李賢錦衣衛獄是日大風雨雹
壞奉天門鵠吻敕修省庚子徐有貞李賢羅綺耿九疇
謫外任楊瑄張鵬成邊命通政司叅議兼侍講呂原入
閣預機務壬寅薛瑄致仕癸卯命修撰岳正入閣預機
務甲辰復李賢為吏部侍郎乙巳貴州巡撫副都御史
蔣琳坐于謙黨棄市秋七月乙丑復下徐有貞于獄丙
寅承天門災丁卯躬禱於南郊戊辰敕修省庚午李賢
復入閣改許彬南京禮部侍郎辛未出岳正為欽州同

知尋下獄謫戍癸酉大赦癸未放徐有貞於金齒辛卯
大賚諸邊軍士八月甲午以彗星屢見躬禱於上帝九
月甲子以太常少卿彭時兼翰林學士入閣預機務冬
十月丁酉賜王振祭葬立祠曰旌忠壬寅徵江西處士
吳與弼丙辰釋建文帝幼子文圭及其家屬安置鳳陽
十一月甲戌命廣西總兵官朱瑛討田州叛蠻己丑免
山東被災夏稅十二月壬辰封曹欽昭武伯辛丑命安
遠侯柳溥充總兵官禦寶喇於甘涼是年琉球中山安

南暹羅占城哈密烏斯藏入貢

二年春正月辛酉兵部尚書陳汝言以贓罪下獄乙丑
享太廟甲戌大祀天地於南郊己卯上皇太后尊號二
月戊申復開雲南福建浙江銀場遣中官市雲南珍寶
閏月己卯瘞土木暴骸夏四月復設巡撫官五月壬寅
授處士吳與弼左諭德辭疾不拜尋送還鄉秋七月癸
卯命定遠伯石彪為平夷將軍充總兵官禦寇寧夏八
月戊辰寶喇寇鎮番冬十月甲子獵南海子壬午命武

平伯陳辰為征夷將軍充總兵官勦寇寧夏十一月甲寅免山東秋糧是年安南烏斯藏占城哈密入貢

三年春正月乙未大祀天地於南郊甲辰定遠伯石彪彰武伯楊信敗寶喇於安邊營都督僉事周賢都指揮李鑑戰死進彪為侯二月丁卯遣御史及中官採珠廣東夏四月壬子巡撫兩廣僉都御史葉盛破瀧水獠已巳南和侯方瑛克貴州苗六月辛酉復命巡撫官以八月集京師議事秋八月庚戌石彪以謀鎮大同下錦衣

衛獄己未禁文武大臣給事中御史錦衣衛官往來交通違者依鐵榜例論罪乙亥免湖廣被災秋糧冬十月乙未幸南海子庚午石亨以罪罷諸奪門冒功者許自首改正月命法司會廷臣每歲霜降錄囚後以為常十一月癸巳振湖廣饑十二月辛亥詔章奏勿用奪門字是年哈密琉球中山錫蘭山滿刺加入貢

四年春正月丁亥大祀天地於南郊癸卯石亨以怨望造言下獄尋死二月壬子獐陷梧州丁卯石彪棄市二

月庚辰賜王一夔等進士及第出身有差戊戌免南畿
被災秋糧夏四月己酉分遣內臣督浙江雲南福建四
川銀課壬子襄王瞻塈來朝五月壬午免畿內浙江被
災秋糧己亥罷中官督蘇杭織造六月癸亥免湖廣被
災稅糧秋七月乙亥朔日有食之辛卯鳳陽安慶南陽
自五月雨至是月淮水決沒軍民田廬遣使振卹八月
甲子寶喇三道入寇大同總兵官李文宣府總兵官楊
能禦之癸酉寶喇入雁門掠忻代朔諸州九月庚辰寶

刺圍大同右衛庚寅命撫寧伯朱永都督白玉鮑政備
宣府邊甲午免江西被災秋糧冬十月甲子閱京營將
領騎射於西苑戊辰幸南海子十一月丁酉閱隨操武
臣騎射於西苑閏月己未幸鄭村壩閱甲仗軍馬是年
琉球中山安南占城爪哇哈密烏斯藏入貢

五年春正月庚戌大祀天地於南郊二月己卯免山東
被災稅糧丙申命都督僉事顏彪為征夷將軍充總兵
官討廣西大藤峽等猺賊三月壬子免蘇松常鎮被災

稅糧甲寅湖廣貴州總兵官李震會廣西軍勦猺獞悉
破之夏四月癸巳命兵部侍郎白圭督陝西諸邊討寶
喇五月丁未免河南被災秋糧六月丙子寶喇寇河西
官軍敗績壬午命兵部尚書馬昂總督軍務懷寧伯孫
鏜充總兵官帥京營軍禦之秋七月庚子總督京營太
監曹吉祥及昭武伯曹欽反左都御史寇深恭順侯吳
瑾被殺內閣學士李賢傷懷寧伯孫鏜帥兵討平之癸
卯磔吉祥於市夷其族其黨湯序等悉伏誅丁未免南

畿被災稅糧庚戌大赦求直言丁巳河決開封及襄城命
侍郎薛遠往治之戊午命都督馮宗充總兵官禦寇於西
河兵部侍郎白圭副都御史王竑參贊軍務辛酉寶喇上
書乞和遣使報之九月壬戌京師地震有聲冬十月壬申
以西邊用兵令河南山西陝西士民納馬者予冠帶十一
月丁酉朔日有食之壬戌幸南海子是年安南琉球中
山哈密伊蘭巴里入貢

六年春正月丁未大祀天地於南郊戊申寶喇遣使入

貢二月癸酉諭寶喇三月癸丑召馮宗等還夏四月壬申免河南被災秋糧五月庚子顏彪奏平大藤峽賊已未免陝西被災秋糧六月戊辰淮王祁銓來朝秋七月淮安海溢九月乙未皇太后崩冬十一月甲午葬孝恭章皇后是年琉球中山哈密烏斯藏暹羅入貢

七年春正月丙午大祀天地於南郊二月壬戌以詹事陳文為禮部侍郎兼翰林學士入閣預機務三月壬寅旱詔行寬卹之政停各處銀場夏四月壬午逮宣大巡

按御史李蕃荷校於長安門尋死丙戌復遣中官督蘇杭織造五月己丑朔日有食之甲寅遼東巡按御史楊璉以擅撻軍職逮治六月丁卯逮山西巡按御史韓祺荷校於長安門數日死秋七月庚戌免陝西被災稅糧閏月甲戌上宣宗廢后胡氏尊諡戊寅命湖廣貴州會師討洪江叛苗九月甲戌敕廣東總兵官歐信會廣西兵討猺賊冬十月丁酉振西安諸府饑丁未命巡撫廣西僉都御史吳楨節制兩廣諸軍討猺賊十一月癸酉

賊陷梧州致仕布政使宗欽死之壬午下右都御史李
賓副都御史林聰於錦衣衛獄十二月辛卯下刑部尚
書陸瑜侍郎周瑄程信於錦衣衛獄尋釋之是年琉球
中山哈密安南烏斯藏入貢

八年春正月乙卯帝不豫己未皇太子攝事於文華殿
己巳大漸遺詔罷宮妃殉葬庚午崩年三十有八三月
乙未上尊諡廟號英宗葬裕陵

贊曰英宗承仁宣之業海內富庶朝野清晏大臣如三

楊胡濩張輔皆累朝勲舊受遺輔政綱紀未弛獨以王
振擅權開釁遂至乘輿播遷乃復辟而後猶追念不置
何其惑也前後在位二十四年威福下移刑賞僭濫失
亦多矣乃或臚舉盛德以為無甚裨政豈為論哉

明史卷十二

欽定四庫全書

明史卷十三

大學士張廷玉等奉 勅修

本紀第十三

憲宗一

憲宗繼天凝道誠明仁敬崇文肅武宏德聖孝純皇帝
諱見深英宗長子也母貴妃周氏初名見濬英宗留衛
拉特皇太后命立為皇太子景泰三年廢為沂王天順

元年復立為皇太子改名見深天順八年正月英宗崩
乙亥即皇帝位以明年為成化元年大赦天下免明年
田租三之一詔浙江江西福建陝西臨清鎮守内外官
諸邊鎮守内官正統間所無者悉罷之下番使者緝事
官校皆召還二月丙申都御史李賓等劾指揮僉事門
達恃恩不法下獄戊邊庚子始以内批授官三月甲寅
朔尊皇后為慈懿皇太后貴妃周氏為皇太后戊午放
宮人丙寅毀錦衣衛新獄庚午賜彭教等進士及第出

身有差癸酉詔內閣九卿考覈天下方面官戊寅復立
團營夏四月癸未朔日當食不見五月丁巳大風雨雹
敕羣臣修省庚申葬睿皇帝於裕陵秋七月壬申立吳
氏為皇后八月癸未御經筵甲申命儒臣日講癸卯廢
皇后吳氏下太監牛玉於獄冬十月壬辰立王氏為皇
后甲辰立武舉法十二月甲辰免京官離犯罪是年雨
畿川廣荆襄盜賊大起道路不通安南烏斯藏入貢
成化元年春正月乙卯享太廟己未大祀天地於南郊

甲子命都督同知趙輔為征夷將軍充總兵官僉都御史韓雍贊理軍務討廣西叛徭二月戊子祭社稷己丑詔雪于謙寃甲午耕藉田三月庚戌四川山都掌蠻亂丁巳釋奠於先師孔子夏五月辛酉大雨雹壬戌避正殿減膳敕羣臣修省甲子四川盜趙鐸作亂官軍擊斬之秋七月己酉免天下軍衛屯糧十之三甲子振兩畿浙江河南饑八月丁丑命工部侍郎沈義僉都御史吳琛振撫兩畿饑民辛巳瘞暴骸庚寅瑪拉噶犯延綏總

兵官房能敗之冬十二月癸卯命撫寧伯朱永為靖虜將軍充總兵官太監唐慎監軍工部尚書白圭提督軍務討荆襄賊是月韓雍大破大藤峽猺改名峽曰斷藤是年琉球哈密瓜哇烏斯藏入貢

二年春正月戊申羅團營乙卯大祀天地於南郊辛酉英宗神主祔太廟二月癸未命禮部侍郎鄒幹巡視畿內饑民三月甲辰賜羅倫等進士及第出身有差己酉李賢父卒乞終制不許乙卯朱永大破荆襄賊劉通於

南漳閏月癸酉振南畿饑乙未朱永擊擒劉通其黨石
龍遁轉掠四川夏五月癸酉修撰羅倫以論李賢起復
謫福建市舶司提舉己卯禁侵損古帝王忠臣烈士名
賢陵墓六月甲辰趙輔師還乙巳免今年天下屯糧十
之三壬子命楊信為平虜將軍充總兵官太監裴當監
督軍務禦寇延綏秋七月辛巳封弟見治為忻王見沛
徽王戊戌瑪拉噶犯固原八月丁巳犯寧夏都指揮焦
政戰死丁卯諭祭于謙復其子冕官冬十月丁未朱永

擊擒石龍賊平進永爵為侯十二月甲寅李賢卒丙辰以太常寺少卿兼翰林院侍讀學士劉定之入閣預機務癸亥鎮守開原太監韋朗坐失律赦不問是月斷藤峽賊復起是年哈密琉球安南烏斯藏衛拉特入貢

三年春正月己卯大祀天地於南郊丙申命撫寧侯朱永為平胡將軍充總兵官會楊信討瑪拉噶二月丁酉朔日有食之丁巳湖廣總兵官李震討破靖州苗三月戊辰召商輅為兵部侍郎復入閣己巳瑪拉噶犯大同

辛巳復開浙江福建四川雲南銀場以內臣領之夏四月以四川地震敕官吏修省遣使祭其山川乙巳錄囚癸丑復立團營六月戊申地震南京午門敕羣臣修省辛酉命襄城伯李瑾為征夷將軍充總兵官兵部尚書程信提督軍務太監劉恒監軍討山都掌蠻秋七月乙酉停河南採辦九月辛未振湖廣江西饑十二月庚子左庶子黎淳追論景泰廢立事帝以景泰事已往且非臣下所當言切責之辛丑編修章懋黃仲昭校討莊

景疏諫上元張燈杖謫有差是月程信破山都掌蠻平
之是年琉球哈密占城烏斯藏入貢朝鮮獻海青白鵲
諭母獻

四年春正月甲戌大祀天地於南郊三月甲子免湖廣
被災秋糧甲申禁勲戚請民田夏四月庚寅慶雲伯周
壽求涿州田許之丁巳錄囚陳文卒五月癸未遣使錄
天下囚六月丙午免江西被災秋糧辛亥開城賊滿俊
反陝西總兵官寧遠伯任壽巡撫都御史陳价討之甲

寅慈懿皇太后崩秋七月癸酉命都督同知劉王為平
虜副將軍充總兵官太監劉祥監軍副都御史項忠總
督軍務討滿俊八月癸巳京師地震乙卯朱永代劉王
為總兵官是月任壽陳价寧夏總兵官廣義伯吳琮及
滿俊戰敗績都指揮蔣泰申澄被殺九月庚申葬孝莊
睿皇后於裕陵辛酉振陝西饑壬申以地震星變下詔
自責敕羣臣修省甲申給事中董旻御史胡深等九人
請罷商輅及禮部尚書姚夔下獄杖之冬十月乙未項

忠敗賊於石城伏羌伯毛忠戰死十一月壬戌瑪拉噶
犯遼東指揮胡珍戰沒是月項忠擊擒滿俊送京師伏
誅十二月己酉瑪拉噶犯延綏都指揮僉事許寧擊敗
之是年琉球烏斯藏哈密日本滿刺加入貢

五年春正月乙丑大祀天地於南郊三月辛丑賜張昇
等進士及第出身有差夏五月辛丑以禮部侍郎萬安
兼翰林院學士入閣預機務六月癸丑朔日有食之辛
酉錄囚秋八月辛酉劉定之卒冬十一月乙未瑪拉噶

犯延綏是年冬阿勒楚爾入居河套琉球哈密烏斯藏
滿刺加安南吐魯番入貢

六年春正月己丑大祀天地於南郊己亥大同總兵官
楊信敗瑪拉噶於胡柴溝二月辛未命大理寺少卿宋
旻侍郎曾暉原傑王琛副都御史滕昭巡視畿南浙江
河南四川福建考察官吏訪軍民疾苦其餘直省有巡
撫等官者命亦如此丁丑禱雨於郊壇戊寅振廣西饑
三月甲申免湖廣山東被災稅糧壬寅詔延綏屯田命

朱永為平虜將軍充總兵官太監傅恭顧恒監軍王越
叅贊軍務脩阿勒楚爾於延綏夏五月丙申振畿內山
東河南饑丁酉王越敗阿勒楚爾於延綏東路六月戊
申朔日有食之秋七月己卯皇子祐檯生壬午朱永敗
阿勒楚爾於雙山堡丙戌命都御史項忠侍郎葉盛振
畿輔饑民都督李杲撫治屯營甲辰總兵官房能敗阿
勒楚爾於開荒川是月免南畿四川被災稅糧八月辛
亥振山西饑癸丑以水旱相仍下詔寬卹冬十月免畿

內河南山東被災稅糧十一月癸未荆襄流民作亂命
項忠總督河南湖廣荆襄軍務討之是月博勒呼渡河
與阿爾楚合十二月庚戌遣使十四人分振畿輔是年
琉球哈密烏斯藏入貢

七年春正月辛巳命京官五品以上及給事中御史各
舉堪州縣者一人丙戌大祀天地於南郊是月立漕粟
長運法二月增設蕪湖荊州杭州鈔關夏四月己巳錄
囚五月辛巳瘞京師暴骸秋八月甲辰振山東浙江水

災閏九月己未浙江潮溢漂民居鹽場遣工部侍郎李
顯往祭海神修築堤岸冬十月乙亥以王恕為刑部侍
郎總理河道十一月甲寅立皇子祐極為皇太子大赦
已未荆襄賊平流民復業者一百四十餘萬人十二月
甲戌彗星見下詔自責勅羣臣修省條時政得失壬午
彗星入紫微垣避正殿撤樂御奉天門聽政甲申始召
見閣臣於文華殿召朱永還命王越總督延綏軍務辛
卯減死罪以下是年伽嘉色稜入居河套與阿勒楚爾

合安南黎灝攻占城破之琉球安南入貢

八年春正月庚戌大祀天地於南郊癸亥皇太子薨是月延綏叅將錢亮禦瑪拉噶於安邊營敗績都指揮栢隆陳英戰死伽嘉色稜犯固原平涼二月丙子預徵山西河南明年賦三月癸丑賜吳寬等進士及第出身有差夏四月京師旱運河水涸癸酉遣使禱於郊社山川淮瀆東海之神乙酉錄囚丁亥遣使錄天下囚五月癸丑命武靖侯趙輔為平虜將軍充總兵官節制各邊軍

馬同王越禦伽嘉色稜秋九月丙午諭安南黎灝還占
城侵地冬十一月己酉以寧晉伯劉聚代趙輔為將軍
屯延綏十二月癸酉振京師饑民是年博勒呼伽嘉色
稜屢入安邊營花馬池犯固原寧夏平涼臨鞏環慶通
渭琉球哈密安南入貢

九年春正月丁未大祀天地於南郊壬子劉聚王越敗
伽嘉色稜於漫天嶺是月吐魯番素爾坦阿里破哈密
據之三月畿南山東大饑民相食夏四月辛酉朔日有

食之甲子福餘三衛寇遼東總兵官歐信擊敗之戊辰
盡免山東稅糧瘞京畿暴骸壬午閱武臣騎射於西苑
秋七月壬辰巡撫延綏都御史余子俊敗伽嘉色稜於
榆林澗九月辛卯鎮守浙江中官李義杖殺寧波衛指
揮馬璋詔勿問庚子王越襲們都埒博勒呼伽嘉色稜
於紅鹽池大破之諸部漸出河套冬十一月丁酉復閱
騎射於西苑是年免湖廣畿內山西南畿陝西被災稅
糧振畿內陝西饑振山西者再山東者三哈密琉球暹

羅八貢

十年春正月丁亥朔振京師貧民丁酉大祀天地於南
郊癸卯命王越總制延綏甘肅寧夏三邊駐固原丙午
召劉聚還三月免南畿湖廣被災秋糧夏五月戊申申
藏祆書之禁是月免山西陝西被災秋糧閏六月乙巳
築邊牆自紫城砦至花馬池秋七月甲寅免江西被災
秋糧八月辛卯命都督同知趙勝為平虜將軍充總兵
官太監劉恒覃平監軍討伽嘉色稜九月癸丑朔日有

食之乙卯免南畿水災秋糧冬十一月丙子免河南被災稅糧十二月己丑罷寶慶諸府採金甲午錄祿書名示天下是年琉球烏斯藏吐魯番入貢

十一年春正月癸亥大祀天地於南郊二月甲申禁酷刑三月壬子賜謝遷等進士及第出身有差辛未彭時卒夏四月乙酉以吏部侍郎劉珣禮部侍郎劉吉並兼翰林學士入閣預機務壬辰乾清門災己亥錄囚五月丁卯始召見皇子祐橈於西內癸酉免湖廣被災秋糧

秋八月辛巳浚通惠河丁亥命都埒伽嘉色稜遣使來
朝九月丁未朔日有食之冬十一月癸丑立皇子祐橈
為皇太子大赦十二月戊子復郕王帝號丁酉申自宮
之禁是年吐魯番琉球暹羅滿剌加安南入貢命琉球
貢使二年一至

明史卷十三

欽定四庫全書

史部

明史卷十四至
十七

內閣中書_臣瞿照覆勘

總校官編修_臣朱鈴

欽定四庫全書

明史卷十四

大學士張廷玉等奉 勅修

本紀第十四

憲宗二

十二年春正月辛亥南京地震有聲戊午大祀天地於南郊二月乙亥朔日有食之甲午敕羣臣修省三月壬子減內府供用物壬戌李震大破靖州苗夏五月丁卯

命副都御史原傑撫治荆襄流民庚申錄囚秋七月庚戌黑青見乙丑躬禱天地於禁中以用度不節工役勞民忠言不聞仁政不施四事自責戊辰遣使錄天下囚八月始設雲南巡撫以戶部侍郎王恕為之冬十月辛巳京師地震十一月巡撫四川都御史張瓚討灣溪苗破之乙卯大學士商輅等進續資治通鑑綱目十二月己丑置鄖陽府設行都司衛所處流民是年吐魯番賽瑪爾堪琉球烏斯藏入貢

十三年春正月庚戌大祀天地於南郊己巳置西廠命
太監汪直提督官校刺事夏四月汪直執郎中武清樂
章太醫院院判蔣宗武行人張廷綱浙江布政使劉福
下西廠獄五月甲戌執左通政方賢下西廠獄丙子大
學士商輅尚書項忠請罷西廠從之六月甲辰罷項忠
為民庚戌復設西廠丁巳商輅致仕秋八月壬戌錦衣
衛官校執工部尚書張文質繫獄帝知而釋之冬十月
戊申復立哈密衛於苦峪谷給土田牛種十一月張瓚

破松潘豐溪苗是年免浙江山東河南江西福建被災
稅糧振山東南畿州縣饑安南琉球烏斯藏暹羅日本
入貢們都埒伽嘉色稜各遣使貢馬

十四年春正月甲戌大祀天地於南郊二月戊申皇太
子出閣就學三月戊辰免浙江被災秋糧已卯賜曾彥
等進士及第出身有差辛巳罷烏什衛銀場丙戌復開
遼東馬市丁亥以浙江饑罷採花木夏四月丁酉免南
畿山東被災秋糧六月庚子太白歲星同晝見癸卯命

太監汪直行遼東邊秋七月丁丑遣使振畿南山東饑
八月癸巳以直隸山東災傷詔六部條卹民事宜命南
京刑部侍郎金紳巡視江西水災庚戌免湖廣被災秋
糧甲寅下巡撫蘇松副都御史牟俸於錦衣衛獄謫戌
九月癸亥河決開封十二月甲午免畿內被災秋糧是
年占城烏斯藏賽瑪爾堪入貢

十五年春正月丁卯大祀天地於南郊辛巳振山東饑
免秋糧二月免湖廣被災秋糧甲寅詔脩開國勲臣墓

無後者置守塚一人夏四月丁亥以方士李孜省為太常寺丞丙午免南畿被災稅糧壬子下駙馬都尉馬誠於錦衣衛獄五月壬戌汪直劾侍郎馬文升下文升獄謫戍癸酉以馬文升年俸事杖給事中李俊御史王濬等五十六人於闕下已卯免湖廣河南被災稅糧秋七月癸酉汪直行大同宣府邊冬十月丁亥命撫寧侯朱永為靖虜將軍充總兵官汪直監軍禦不達扎卜十二月辛未論功封朱永保國公加汪直歲祿陞賞者二千

六百餘人是月免四川江西被災稅糧是年琉球安南
烏斯藏入貢

十六年春正月甲午大祀天地於南郊丁酉命保國公
朱永為平虜將軍充總兵官王越提督軍務汪直監軍
禦伊斯瑪音於延綏二月癸酉免湖廣被災稅糧戊寅
王越襲伊斯瑪音於威寧海子破之三月戊子以歲歉
減光祿寺供用物夏六月癸丑禁勢家侵占民田戊午
巡按遼東御史強珍劾陳鉞韋朗等欺罔不問秋八月

辛酉申存卹孤老之令冬十二月庚申伊斯瑪音犯大同丙寅朱永汪直王越帥京軍禦之是月總督兩廣軍務都御史朱英總兵官平鄉伯陳政討廣西徭破之是年免兩畿湖廣河南山東雲南被災稅糧琉球暹羅蘇門答刺吐魯番賽瑪爾堪入貢

十七年春正月壬午以方士顧珏為太常寺少卿丙戌大祀天地於南郊二月壬戌覈天下庫藏出納之數是月免浙江山西被災稅糧三月辛卯賜王華等進士及

第出身有差夏四月庚申以久旱風霾敕羣臣修省戊辰諭法司慎刑獄命太監懷恩同法司錄囚自是每五歲遣內臣審錄以為常癸酉伊斯瑪音犯宣府五月己亥命汪直監督軍務王越為平胡將軍充總兵官禦之秋七月甲戌免南畿被災秋糧甲午命所在鎮守總兵巡撫聽汪直王越節制己亥雷震郊壇承天門冬十月壬戌振河南饑以道士鄧常恩為太常卿十一月戊子取太倉銀三分之一入內庫是年安南占城滿剌加烏

斯藏入貢安南黎灝侵老撾宣慰司賜敕諭之

十八年春正月壬午大祀天地於南郊庚寅劉吉起復
三月己巳朔振南畿饑壬申罷西厰夏四月癸丑哈商
復哈密城甲子免山西被災夏稅五月免山東南畿被
災稅糧六月壬寅伊斯瑪音犯延綏汪直王越調兵禦
敗之秋八月癸丑遣使振畿內山東饑辛酉免河南被
災稅糧閏月壬申倉副使應時用請罷饒州燒造御器
內臣下獄贖還職冬十一月免畿內陝西遼東被災秋

糧十二月庚午御製文華大訓成是年琉球哈密暹羅吐魯番烏斯藏入貢

十九年春正月丙午大祀天地於南郊三月丙辰免湖廣被災稅糧夏四月丁丑免河南被災稅糧五月壬子詔罷京軍雜役六月乙亥汪直有罪調南京御馬監丁丑陳政破廣西徭秋七月辛丑迤北小王子犯大同癸卯總兵官許寧禦之敗績己未命朱永為鎮朔大將軍充總兵官帥京軍禦之八月甲子犯宣府巡撫都御史

秦紘總兵官周王禦却之乙丑命戶部侍郎李衍刑部
侍郎何喬新巡視邊關壬申謫汪直為奉御其黨王越
戴縉等貶黜有差是月朱永敗寇於大同宣府九月丁
未詔旌僧繼曉母朱氏冬十月壬申召朱永還是年賽
瑪爾堪貢獅子

二十年春正月庚寅京師地震壬辰敕羣臣修省詔減
貢獻飭備邊罷營造理冤獄寬銀課工役馬價卹大同
陣亡士卒丁酉大祀天地於南郊三月庚寅賜李旻等

進士及第出身有差已酉命太監張善監督軍務定西
侯蔣琬充總兵官同總督尚書余子俊備大同宣府夏
四月戊午錄囚五月甲午再錄囚減死罪以下六月免
南畿陝西被災稅糧秋八月壬申太白歲星同晝見九
月己酉朔日有食之是月寇復入居河套是秋陝西山
西大旱饑人相食傳歲辦物料免稅糧發帑轉粟開納
米事例振之冬十月丁巳刑部員外郎林俊以請誅妖
僧繼曉太監梁芳下錦衣衛獄都督府經歷張黻疏救

并逮問杖謫有差癸酉罷雲南元江諸府銀坑十二月
免山西河南被災夏稅是年安南日本琉球哈密吐魯
番入貢

二十一年春正月甲申朔星隕有聲丙戌詔羣臣極言
時政庚寅赦天下乙未大祀天地於南郊乙巳遣侍郎
李賢何喬新賈俊振陝西山西河南饑二月己未放免
傳奉文武官五百六十餘人丁丑免陝西被災稅糧夏
四月戊午以泰山屢震遣使祭告壬戌轉漕四十萬石

振陝西饑是月免南畿山東被災稅糧五月壬戌京師地震丙子振京師饑民六月辛巳令武臣納粟襲職癸未詔盛暑祁寒廷臣所奏毋得過五事秋八月己卯朔日有食之九月甲子劉珣致仕冬十月免山東山西河南陝西四川被災稅糧十一月丙寅京師地震十二月甲申以詹事彭華為吏部左侍郎兼翰林學士入閣預機務甲午振南畿饑是冬小王子犯蘭州莊浪鎮番涼州是年哈密烏斯藏入貢

二十二年春正月己未大祀天地於南郊乙丑免河南
被災秋糧二月庚辰免畿南及湖廣被災秋糧夏四月
乙未清畿內勲戚莊田六月免南畿陝西被災稅糧乙
亥敕羣臣修舉職業甲午諭法司慎刑秋七月小王子
犯甘州指揮姚英等戰死九月癸卯罷南京兵部尚書
王恕免河南廣東被災稅糧戊申逮廣東布政使陳選
市舶司中官韋眷誣選貪墨被逮道卒丁卯以兵部左
侍郎尹直為戶部侍郎兼翰林學士入閣預機務冬十

一月癸丑占城為安南所侵王于古來來奔十二月免
江西廣西被災稅糧是年哈密琉球入貢

二十三年春正月免陝西湖廣被災稅糧庚戌大祀天
地於南郊二月庚辰以李孜省為禮部右侍郎乙酉命
副都御史邊鏞通政司叅議田景賢巡視大同諸邊三
月丁未彭華致仕丁巳賜費宏等進士及第出身有差
癸亥免山東被災稅糧夏四月乙亥免浙江被災秋糧
五月乙卯旱遣使分禱天下山川丙辰敕羣臣修省是

月朶顏三衛巴爾諾海入遼東令駐牧近邊給米布六月免陝西南畿被災秋糧秋七月戊申封皇子祐杭為興王祐綸岐王祐檣益王祐禪衡王祐檉雍王八月庚辰帝不豫甲申皇太子攝事於文華殿己丑崩年四十有一九月乙卯上尊諡廟號憲宗葬茂陵

贊曰憲宗踐阼之初朝多耆彥蠲賦省刑閭閻充足跡其上景帝尊號雪于謙之冤抑黎淳召商輅可以脩明綱紀奮發有為矣顧乃舉錯混淆雜流競進且不鑒土

木之失柄用汪直威福下移廠衛之禍遂與有明終始
履霜堅冰勢成積重可不慎哉可不畏哉

明史卷十四

欽定四庫全書

明史卷十五

大學士張廷玉等奉 敕脩

本紀第十五

孝宗

孝宗達天明道純誠中正聖文神武至仁大德敬皇帝
諱祐橈憲宗第三子也母淑妃紀氏成化六年七月生
帝於西宮時萬貴妃專寵宮中莫敢言悼恭太子薨後

憲宗始知之育周太后宮中十一年敕禮部命名大學士商輅等因以建儲請是年六月淑妃暴薨帝年六歲哀慕如成人十一月立為皇太子二十三年八月憲宗崩九月壬寅即皇帝位大赦天下以明年為弘治元年丁未斥諸佞倖侍郎李牧省太監梁芳外戚萬喜及其黨謫戍有差冬十月丁卯汰傳奉官罷右通政任傑侍郎蒯綱等千餘人論罪戍斥革法王佛子國師真人封號乙亥尊皇太后周氏為太皇太后皇后王氏為皇太

后丙子立妃張氏為皇后丁亥萬安罷壬辰追諡母淑妃為孝穆皇太后癸巳以吏部左侍郎兼翰林學士徐溥入閣預機務十一月乙巳召王恕為吏部尚書以馬文升為左都御史癸丑尹直罷乙卯以詹事劉健為禮部侍郎兼翰林學士入閣預機務戊午下梁芳李牧省於獄十二月壬午葬純皇帝於茂陵是月免江西湖廣被災稅糧是年安南暹羅哈密吐魯番烏斯藏琉球入貢封占城王子古來為王諭安南黎灝還占城侵地

弘治元年春正月己亥享太廟丙午大祀天地於南郊
己未始考察鎮守武臣庚申以何喬新為刑部尚書二
月戊戌祭社稷丁未耕藉田封哈密衛左都督哈商為
忠順王丁巳罷選淑女丙辰禁廷臣請托公事三月乙
丑疏文武大臣及中外四品以上官姓名揭文華殿壁
癸酉釋奠於先師孔子乙亥小王子寇蘭州都指揮廖
斌擊敗之丙子御經筵丁丑命儒臣日講起用言事降
謫諸臣夏四月甲寅以天暑錄囚嗣後歲以為常五月

丙寅嘉興盜起命刑部侍郎彭韶討平之六月癸巳朔
日有食之秋七月戊辰減浙江銀課汰管理銀場官八
月乙巳小王子犯山丹永昌辛亥犯獨石馬營冬十月
乙卯振湖廣四川饑十一月甲申妖僧繼曉伏誅乙酉
免河南被災秋糧是年吐魯番殺忠順王哈商復據哈
密琉球占城賽瑪爾堪烏斯藏入貢

二年春正月丁卯收已故內臣賜田給百姓辛未大祀
天地於南郊二月癸巳振四川饑乙卯以馬文升為兵

部尚書兼提督團營三月己未免陝西被災秋糧三分之二戊寅開會川衛銀礦夏五月庚申河決開封入沁河役五萬人治之秋七月癸亥以京師霖雨南京大風雷修省求直言戊寅振畿內水災免稅糧給貧民麥種八月丁酉復四川流民復業者雜役三年己酉憲宗神主祔太廟十一月戊午順天饑發粟平糶十二月甲申朔日有食之辛卯賜于謙諡立祠曰旌功是年吐魯番入貢賽瑪爾堪貢獅子鸚鵡却之

三年春正月甲子大祀天地於南郊二月壬辰免河南
被災秋糧甲午戶部請免南畿湖廣稅糧上曰凶歲義
當損上益下必欲取盈如病民何悉從之三月丙辰命
天下預脩倉積粟以里數多寡為差不及額者罪之庚
午賜錢福等進士及第出身有差甲戌命侍郎張海通
政使元守直閔邊秋九月庚戌禁內府加派供御物料
閏月癸巳禁宗室勲戚奏請田土及受人投獻冬十一
月甲辰停工役罷內官燒造瓷器十二月辛亥以彗星

見敕羣臣修省陳軍民利病己未京師地震壬戌減供御品物罷明年上元燈火是年琉球安南哈密賽瑪爾堪天方吐魯番入貢

四年春正月癸未以脩省罷上元節假己丑大祀天地於南郊停慶成宴二月己巳敕法司曰曩因天道示異敕天下諸司審錄重囚發遣數十百人朕以為與其寬之於終孰若謹之於始嗣後兩京三法司及天下問刑官務存心仁恕持法公平詳審其情罪所當庶不悖於

古聖人欽恤之訓三月己亥逮兩廣總督秦紘紘勅鎮
守總兵安遠侯柳景貪暴詔并逮紘對理尋宥景罪紘
致仕六月辛亥京師地震秋八月庚戌蘇松浙江水停
本年織造乙卯南京地震己未封皇弟祐楮為壽王祐
棖汝王祐檉涇王祐樞榮王祐楷申王冬十月丙辰以
皇長子生詔天下戊午河溢振河南被災者己丑以禮
部尚書邱濬兼文淵閣大學士預機務十一月庚辰振
南畿災十二月甲子吐魯番以哈密地及金印來歸己

已召秦紘為南京戶部尚書是年暹羅入貢

五年春正月壬午大祀天地於南郊二月丙寅命善巴襲封忠順王庚午減陝西織造絨氍之半三月戊寅立皇子厚照為皇太子大赦錄太祖廟配享功臣絕封者後辛卯廣西副總兵馬俊叅議馬鉉千戶王珊等討古田叛獍遇伏死夏六月丁未免南畿去年被災稅糧秋七月甲午振南京浙江山東饑八月癸卯劉吉致仕乙丑停蘇松浙江額外織造召督造官還冬十月壬戌湖

廣總兵官鎮遠侯顧溥貴州巡撫都御史鄧廷瓚太監
江惠會師討貴州黑苗十一月丙申閉溫處銀坑十二
月丁巳荆王見瀾以悖亂廢為庶人是年琉球烏斯藏
吐魯番入貢呼爾察國貢方物不受給廩食遣還

六年春正月己卯大祀天地於南郊二月甲寅錄常遇
春季文忠鄧愈湯和後裔世襲指揮使丁巳擢布政使
劉大夏右副都御史治張秋決河三月癸未賜毛澄等
進士及第出身有差夏四月己亥吐魯番素爾坦阿哈

瑪特襲執善巴據哈密已酉命侍郎張海都督同知緡
謙經略哈密辛酉久旱敕修省求直言五月丙寅小王
子犯寧夏殺指揮趙壘閏月乙未免南京被災秋糧六
月庚午捕蝗壬申都御史閔珪擊破古田叛獍秋八月
甲戌免順天被災夏稅九月丁酉免陝西被災夏稅冬
十月丙寅以災傷罷明年上元燈火庚辰停甘肅織造
絨氍十一月庚申振京師流民十二月己卯敕天下鎮
巡官修省是年安南烏斯藏吐魯番暹羅入貢

七年春正月丁酉大祀天地於南郊二月甲子以去年冬孝陵風雷之變遣使祭告修省求直言命內外慎刑獄決輕繫三月癸巳貴州黑苗平戊申兩畿捕蝗夏五月甲辰命太監李興平江伯陳銳同劉大夏治張秋決河六月乙丑高郵康濟河成秋七月乙巳京師地震丙午命工部侍郎徐貫巡撫副都御史何鑑經理南畿水利九月丁亥以水災停蘇松諸府所辦物料留關鈔戶鹽備振冬十一月壬子京師地震十二月甲戌張秋河

工成己卯振甘涼被兵軍民給牛種是年免北京河南湖廣陝西山西被災稅糧琉球入貢以吐魯番據哈密却其貢使

八年春正月己未大祀天地於南郊以太皇太后不豫免慶成宴壬子甘肅總兵官劉寧敗小王子於涼州二月己卯朔日有食之戊午邱濬卒乙丑以禮部侍郎李東陽少詹事謝遷入閣預機務己卯黃陵岡河口工成三月壬辰免湖廣被災稅糧己亥寧夏地震夏四月甲

寅蘇松各府治水工成壬戌諭吏部都察院人材進退
考察務得實跡不可偏聽枉人五月己丑免南畿被災
秋糧秋七月丁亥封宋儒楊時將樂伯從祀孔子廟廷
戊子廣西副總兵歐磐擊破平樂叛獠八月癸亥以四
方災異數見敕羣臣修省冬十一月己酉免直隸被災
秋糧十二月辛酉巡撫甘肅僉都御史許進總兵官劉
寧入哈密吐魯番迺遂班師是年瓜哇占城烏斯藏入
貢默克埒諸部款肅州塞求入貢却之

九年春正月壬辰大祀天地於南郊二月庚午免河南被災稅糧平未命右通政張璞大理少卿馬中錫閱邊三月丙申賜朱希周等進士及第出身有差夏四月戊子以岷王膺鉅奏逮武岡州知州劉遜給事中御史龐泮劉紳等諫下錦衣衛獄尋釋之六月庚子免江西被災稅糧秋八月壬寅免湖廣被災秋糧已酉禁勢家侵奪民利是年日本琉球烏斯藏入貢

十年春正月庚戌大祀天地於南郊三月辛亥以旱霾

修省求直言甲子召大學士劉健李東陽謝遷於文華
殿議庶政後以為常夏五月戊辰小王子犯潮河川已
已犯大同六月己卯命侍郎劉大夏李介理宣府大同
軍餉秋七月癸丑命都督楊玉帥京營軍備永平冬十
一月庚子吐魯番歸善巴乞通貢是年免南畿山西陝
西被災稅糧振山東四川水災安南暹羅烏斯藏入貢
十一年春正月丁未大祀天地於南郊二月己巳小王
子遣使求貢三月己亥皇太子出閣講讀夏五月戊申

甘肅叅將楊翥敗小王子於黑山秋七月己酉總制三
邊都御史王越襲小王子於賀蘭山後敗之癸亥徐溥
致仕八月癸未振祥符民被河患者冬十月丙寅命工
作不得役團營軍士甲戌清寧宮災丁亥敕羣臣修
省求直言罷明年上元燈火十一月壬子免陝西織造羊
絨閏月壬戌朔日有食之丁丑給事中吳仕偉請罷鎮
守中官不報乙酉罷福建織造綵布十二月庚子禁中
外奢靡踰制壬子以清寧宮災詔赦天下是年免山西

陝西兩畿廣西廣東被災稅糧吐魯番烏斯藏入貢
十二年春正月辛未大祀天地於南郊免慶成宴二月
壬辰免山東被災夏稅戊申嚴左道惑衆之禁三月丁
丑賜倫文敘等進士及第出身有差夏四月癸巳敕宣
大延綏備邊是月免湖廣江西被災稅糧五月戊寅免
南畿被災秋糧六月甲辰闕里先師廟災遣使慰祭秋
八月免河南南畿被災夏稅九月壬午普安賊婦米魯
作亂甲申重建清寧宮成冬十二月庚寅吏部尚書屠

瀟等請罷傳奉官不報是年占城烏斯藏吐魯番瓜哇
賽瑪爾堪入貢

十三年春正月乙丑大祀天地於南郊二月戊子免山
西被災稅糧庚寅定問刑條例乙未嚴旌舉連坐之法
夏四月和碩寇大同遊擊將軍王杲敗績於威遠衛乙
巳命平江伯陳銳為靖虜將軍充總兵官太監金輔監
軍戶部左侍郎許進提督軍務禦之五月甲寅朔日有
食之丙辰召大學士劉健李東陽謝遷於平臺議京營

將領癸亥和碩大舉入寇大同左衛遊擊將軍張浚禦
却之六月甲申免江西被災秋糧停山陝採辦物料庚
子召陳銳金輔還保國公朱暉太監扶安往代益兵禦
寇秋七月己巳京師地震八月辛卯振江西水災冬十
月戊申兩京地震是月小王子諸部寇大同十二月辛
丑和碩寇大同南掠百餘里是年小王子部入居河套
犯延綏神木堡琉球吐魯番烏斯藏入貢

十四年春正月庚戌朔陝西地大震己未大祀天地於

南郊二月己亥罷陝西織造中官夏四月庚辰命工部侍郎李鐸總督延綏邊餉戊子命保國公朱暉提督軍務都御史史琳監軍太監苗達分道進師延綏戊戌免陝西山西物料是月和碩諸部寇固原五月庚戌振大同被兵軍民免稅糧辛酉免陝西被災稅糧戊辰修闕里先師廟命各布政使司上地里圖秋七月丁未泰寧衛賊犯遼東掠長勝諸屯堡癸亥命南京戶部尚書王軾兼左副都御史提督軍務討貴州賊婦米魯丁卯朱

暉史琳襲小王子於河套庚午分遣給事中御史清理
屯田閏月乙酉都指揮王泰禦小王子於鹽池戰死戊
戌振兩畿江西山東河南水災八月己酉免河南被災
稅糧是月和碩諸部犯固原大掠韋州環縣萌城靈州
己巳減光祿寺供應如元年制和碩諸部犯寧夏東路
九月丙子朔日有食之丁亥遣使募兵於延綏寧夏甘
涼甲辰召史琳還起秦紘為戶部尚書兼副都御史代
之冬十月丙寅以馬文升為吏部尚書劉大夏為兵部

尚書十一月癸巳分遣侍郎何鑑大理寺丞吳一貫振
卹兩畿山東河南饑民十二月戊辰遼東大饑振之是
月寇出河套是年免湖廣江西山西山東陝西河南畿
內被災稅糧安南琉球入貢

十五年春正月丙子朱暉帥師還丙戌大祀天地於南
郊二月癸丑免河南被災稅糧三月癸未罷饒州督造
瓷器中官庚寅賜康海等進士及第出身有差夏四月
壬寅振京師貧民五月庚子免湖廣被災秋糧秋七月

己卯錄劉基後裔世襲指揮使己丑王軾破斬米魯貴
州賊平辛卯命各邊衛設養濟院漏澤園八月庚戌以
南京鳳陽雷雨大風江溢為災遣使祭告敕兩京羣臣
修省九月庚午朔日有食之戊子放減內府所畜鳥獸
冬十月癸卯罷明年上元燈火十一月壬申瓊州黎賊
作亂甲午罷廣東採珠十二月己酉大明會典成辛亥
以病不視朝是月免南畿被災秋糧是年琉球安南入
貢

十六年春正月癸酉遣官代享太廟二月辛丑視朝戊申大祀天地於南郊三月癸巳免山西被災稅糧夏四月辛亥敕宣大嚴邊備五月戊子以雲南災變敕羣臣修省命刑部侍郎樊瑩巡視雲貴察官吏問民疾苦秋七月廣東官軍討黎賊敗之九月丁丑振兩畿浙江山東河南湖廣被災軍民冬十一月甲戌罷營造器物及明年上元烟火是月免南畿被災秋糧十二月丙午免淮揚浙江物料是年安南暹羅哈密吐魯番賽瑪爾堪入貢

十七年春正月辛未命南京工部侍郎高銓振應天饑
甲戌大祀天地於南郊壬午嚴誣告之禁丙戌以道士
崔志端為禮部尚書二月甲寅減供用物料己未嚴讖
緯妖書之禁庚申免浙江被災稅糧三月壬戌太皇太
后崩癸未定太廟各室一帝一后之制夏四月己酉葬
孝肅皇太后閏月辛酉闕里先師廟成遣大學士李東
陽祭告庚午免山東被災稅糧乙亥以四方災荒敕羣
臣修省庚辰命諸司詳議害民弊政五月壬辰罷南京

蕪杭織造中官六月癸亥雨雪乙亥始命兩京五品以下官六年一考察辛巳召劉健李東陽於暖閣議邊務癸未和碩入大同指揮鄭瑀力戰死甲申廬山鳴秋七月癸巳命工部侍郎李鏐大理少卿吳一貫通政司參議叢蘭分道經略邊塞甲午命左副都御史閻仲宇通政司參議熊偉分理邊餉八月戊辰命天下撫按三司官奏軍民利病士民建言可採者所司以聞甲申免南畿被災夏稅丁亥召馬文升戴珊於暖閣諭以明年考

察務訪實蹟以求至當九月庚寅諭法司不得任情偏
執致淹獄囚甲寅命太常少卿孫交經略宣大邊務丁巳
御暖閣諭劉健李東陽謝遷諸邊首功巡按御史察
勘動淹歲年非所以示勸自今奏報以遠近立限違者
詰治諭講官進講直言毋諱冬十一月戊子罷雲南銀
場十二月庚午申閑糴之禁甲申免湖廣被災秋糧是年
琉球賽瑪爾堪哈密烏斯藏入貢

十八年春正月己丑小王子諸部圍靈州入花馬池遂掠

韋州環縣命戶部侍郎顧佐理陝西軍餉乙未大祀天地於南郊甲辰小王子陷寧夏清水營二月戊辰御奉天門諭戶兵工三部曰方今生齒漸繁而戶口軍伍日就耗損此皆官司撫卹無方因仍苟且所致其悉議弊政以聞三月癸卯賜顧鼎臣等進士及第出身有差夏四月戊寅命刑部侍郎何鑑撫輯荆襄流民甲申帝不豫五月庚寅大漸召大學士劉健李東陽謝遷受顧命辛卯崩於乾清宮年三十有六六月庚申上尊諡

廟號孝宗葬泰陵

贊曰明有天下傳世十六太祖以來繼體之君可稱者
仁宗宣宗孝宗而已仁宣之際國勢初張綱紀修立淳
樸未漓也成化以後號為太平夫宴安則長佚怠富盛
則啟驕奢孝宗恭儉愛民勤勤於持盈保泰十八年間
朝序清明民物康阜非偶然也雖其時監軍鎮守未革
刑餘內批傳奉尚沿秕政而乾綱是飭大德不踰信為
一代令主矣

明史卷十五

欽定四庫全書

明史卷十六

大學士張廷玉等奉 勅修

本紀第十六

武宗

武宗承天達道英肅睿哲昭德顯功弘文思孝毅皇帝
諱厚照孝宗長子也母孝康敬皇后弘治五年立為皇
太子性聰穎好騎射十八年五月孝宗崩壬寅即皇帝

位以明年為正德元年大赦天下除弘治十六年以前
逋賦戊申小王子犯宣府總兵官張俊敗績庚戌以太
監苗達監督軍務保國公朱暉為征虜將軍充總兵官
右都御史史琳提督軍務禦之秋八月甲寅尊皇太后
為太皇太后皇后為皇太后丙子召朱暉等還九月甲
午南京地震丁酉振陝西饑十月丙辰小王子犯甘肅
庚午葬敬皇帝於泰陵十一月甲申御文華殿日講是
年占城安南入貢

正德元年春正月乙酉享太廟己丑大祀天地於南郊
二月壬子御經筵乙丑耕藉田三月甲申釋奠於先師
孔子夏五月丙申減蘇杭織造歲幣六月辛酉禁吏民
奢靡免陝西被災稅糧是日大風雨壞郊壇獸瓦庚午
諭羣臣修省秋八月乙卯復遣內官南京織造戊午立
皇后夏氏冬十月丁巳戶部尚書韓文帥廷臣請誅亂
政內臣馬永成等八人大學士劉健李東陽謝遷主之
戊午韓文等再請不聽以劉瑾掌司禮監邱聚谷大用

提督東西陝張永督十二團營兼神機營魏彬督三千
營各據要地劉健李東陽謝遷乞去健遷是日致仕己
未東陽復乞去不允壬戌以吏部尚書焦芳兼文淵閣
大學士吏部侍郎王鏊兼翰林學士入閣預機務戊辰
傳日講十一月甲辰罷韓文十二月丁巳命錦衣衛官
點閱給事中癸酉除曲阜孔氏田賦是年哈密烏斯藏
入貢

二年春正月乙亥朔日有食之乙酉大祀天地於南郊

閏月庚戌給事中艾洪呂昫劉蒞及南京給事中戴銑御史薄彥徽等二十一人疏劾太監張鳳并請留劉健謝遷杖之闕下二月戊戌御史王良臣疏救戴銑等杖於午門御史王時中為劉瑾所劾荷校於都察院三月辛未以大學士劉健謝遷尚書韓文揚守隨張敷華林瀚五十三人黨比宣戒羣臣是月敕各鎮守太監預刑名政事夏五月戊午度僧道四萬人已巳復寧王宸濠護衛六月甲戌孝宗神主祔太廟戊寅罷修邊垣輸其

費於京師是月劉瑾誣劾前總制三邊都御史楊一清
破冒邊費下錦衣衛獄尋釋之秋八月丙戌作豹房冬
十月甲申詔以邊倉多虧逮各邊巡撫都御史及管糧
郎中下獄丙戌以南京戶部尚書楊廷和為文淵閣大
學士預機務十二月壬辰開浙江福建四川銀礦是年
琉球入貢

三年春正月丁未大祀天地於南郊辛亥大計外吏罷
翰林學士吳儼御史楊南金二月己巳令京官告假違

限及病滿一年者皆致仕三月乙卯賜呂柟等進士及第出身有差夏四月乙亥軍民納銀得受都指揮僉事以下官六月壬辰得匿名書於御道數劉瑾罪瑾矯詔跪羣臣承天門外詰之下三百餘人於錦衣衛獄尋釋之秋七月壬子命天下選樂工送京師八月辛巳立內厰劉瑾領之庚寅下韓文錦衣衛獄罰輸米千石於大同是月山東盜起九月癸卯削致仕尚書雍泰馬文升許進劉大夏籍庚戌劉瑾叛輸米贖罪法辛酉逮劉大

夏下獄戍肅州癸亥振南京饑冬十月辛未命南京工部侍郎畢亨振湖廣河南饑十一月乙未振鳳陽諸府饑是年安南哈密賽瑪爾堪烏斯藏入貢

四年春正月丙午大祀天地於南郊二月丙戌削劉健謝遷籍三月甲辰振浙江饑己酉吏部侍郎張綵請不時考察京官從之夏四月乙亥王鏊致仕六月戊子以吏部尚書劉宇兼文淵閣大學士預機務秋八月辛酉遣使覈各邊屯田是月義州軍變閏九月小王子犯延

綏園總兵官吳江於隴州城冬十一月甲子犯花馬池
總制尚書才寬戰死十二月庚戌奪劉健謝遷等六百
七十五人誥敕是年兩廣江西湖廣陝西四川並盜起
琉球安南哈密吐魯番賽瑪爾堪入貢

五年春正月丁卯大祀天地於南郊庚辰籍故尚書秦
紘家二月癸巳以兵部尚書曹元為吏部尚書兼文淵
閣大學士預機務三月辛未禱雨釋獄囚免正德三年
逋賦乙酉江西賊熾命右都御史王哲巡視南贛刑部

尚書洪鐘總制川陝河南鄖陽軍務兼振邨湖廣夏四月庚寅安化王真鐸反殺巡撫都御史安惟學總兵官姜漢丙午起右都御史楊一清總制寧夏延綏甘涼軍務涇陽伯神英充總兵官討真鐸辛亥詔赦天下命太監張永總督寧夏軍務是日遊擊將軍仇鉞襲執真鐸寧夏平五月癸未焦芳致仕六月庚子帝自號大慶法王所司鑄印以進丙午劉宇罷秋七月壬申洪鐘討沔陽賊平之八月甲午劉瑾以謀反下獄詔自正德二年

後所更政令悉如舊戊戌治劉瑾黨吏部尚書張綏下
獄己亥曹元罷丁未復革寧王護衛戊申劉瑾伏誅己
酉釋謫戌諸臣九月丙辰論平寘鐸功封仇鉞咸寧伯
戊午以吏部尚書劉忠梁儲並兼文淵閣大學士預機
務己未以平寘鐸劉瑾功封太監張永兄富弟容皆為
伯癸酉封義子指揮同知朱德太監谷大用兄大寬馬
永成兄山魏彬弟英皆為伯冬十月己亥戮張彩尸於
市乙巳霸州降盜劉六劉七叛十二月己丑四川賊陷

江津僉事吳景死之是年日本占城哈密賽瑪爾堪吐
魯番烏斯藏入貢

六年春正月甲子大祀天地於南郊癸酉賊陷營山殺
僉事王源二月丙申寘鐸伏誅己酉起左都御史陳金
總制江西軍務討賊三月戊辰賜楊慎等進士及第出
身有差庚午命惠安伯張偉充總兵官右都御史馬中
錫提督軍務討直隸河南山東賊丙子免被寇州縣稅
糧一年是月小王子入河套犯沿邊諸堡夏四月癸未

劉忠乞省墓歸是月淮安盜起六月山西盜起秋七月
壬申賊楊虎與劉六劉七合犯文安京師戒嚴癸酉調
宣府延綏兵入援八月己卯命兵部侍郎陸完將邊軍
討直隸山東河南賊四川巡撫都御史林俊擒斬賊首
藍廷瑞鄔本恕甲申賊劉六犯固安丙戌召張偉馬中
錫還九月丙寅再調宣府及遼東兵益陸完軍冬十月
癸未賊陷長山典史李暹戰死甲申賊焚糧艘於濟寧
州丁酉甘州副總兵白琮敗小王子於柴溝十一月庚

戊命太監谷大用張忠伏羌伯毛銳帥京軍會陸完討賊丙辰命戶部侍郎叢蘭王瓊振兩畿河南山東戊午京師地震辛酉敕修省乙亥痊暴骨十二月癸巳以禮部尚書費宏兼文淵閣大學士預機務甲午清河口至柳鋪黃河清三日辛丑四川賊麻六兒掠蒼溪兵備副使馮傑敗死是年自畿輔及江淮楚蜀盜賊殺官吏山東尤甚至破九十餘城道路梗絕琉球哈密入貢

七年春正月甲寅賊犯霸州京師戒嚴丁巳陷大城知

縣張汝舟主簿李銓戰死己未大祀天地於南郊二月
丁丑命副都御史彭澤咸寧伯仇鉞提督軍務太監陸
閻監軍討河南賊己卯賊犯萊州指揮僉事蔡顯等力
戰死三月辛未副總兵時源敗績於河南都督僉事馮
禎力戰死夏五月丙午陸完敗賊於萊州山東賊平甲
寅左都御史陳金討平撫州賊丙寅賊殺副都御史馬
炳然於武昌江中閏月壬辰仇鉞敗賊於光山河南賊
平秋七月癸巳江西賊殺副使周憲於華林丁酉振四

川饑八月癸亥陸完追殲劉七等賊於狼山九月乙酉
陳金討平華林賊戊子召洪鐘還以都御史彭澤總制
四川軍務丙申賜義子一百二十七人國姓冬十月免
河南江西浙江被災寇者稅糧十一月壬申以時源為
平賊將軍會彭澤討四川賊丁亥留大同宣府遼東兵
於京營李東陽諫不聽十二月丁卯李東陽致仕是月
免兩畿山東山西陝西被災寇者稅糧是年安南日本
哈密入貢

八年春正月癸酉命右副都御史俞諫代陳金討江西賊壬午大祀天地於南郊乙酉以邊將江彬許泰分領京營賜國姓尋設兩官廳軍命彬泰分領之癸巳命戶部侍郎叢蘭僉都御史陳玉巡邊二月丙午以平賊功封太監谷大用弟大亮陸闇姪永皆為伯三月戊子置鎮國府處宣府官軍甲午以旱敕羣臣修省夏四月乙丑彭澤破賊於劔州五月辛巳以仇鉞充總兵官帥京營兵禦敵於大同六月戊戌河決黃陵岡乙卯俞諫破

賊於貴溪秋八月免南畿水災稅糧吐魯番襲據哈密
冬十月丁未俞諫連破賊於東鄉江西賊平十二月命
南京刑部侍郎鄧璋振江西饑是年哈密入貢

九年春正月丁丑大祀天地於南郊庚辰乾清宮災二
月庚子帝始徵行丙午以禮部尚書靳貴兼文淵閣大
學士預機務癸丑彭澤時源討平四川賊三月辛巳賜
唐臯等進士及第出身有差夏四月丁酉復寧王護衛
予屯田五月乙丑費宏致仕己丑命彭澤總督甘肅軍

務經理哈密六月乙卯開雲南銀礦秋七月乙丑小王
子犯宣府大同命太監張永提督軍務都督白玉充總
兵官帥京營兵禦之八月辛卯朔日有食之辛丑小王
子犯白羊口乙巳京師地震己未小王子入寧武關掠
忻州定襄寧化九月壬戌犯宣府蔚州庚午帝狎虎被
傷不視朝編修王思以諫謫三河驛丞冬十月己酉遣
使採木於川湖十一月辛酉歸善王當汭坐違祖制廢
為庶人自殺十二月甲寅建乾清宮加天下賦一百萬

是年安南哈密烏斯藏入貢

十年春正月癸亥薄暮享太廟戊辰薄暮祀天地於南郊三月壬申楊廷和以憂去夏閏四月辛酉以吏部尚書楊一清兼武英殿大學士預機務戊寅召彭澤還秋八月丙寅小王子犯固原冬十一月己酉遣太監劉允使烏斯藏十二月癸丑朔日有食之己卯免南畿旱災秋糧是年琉球安南哈密賽瑪爾堪入貢

十一年春正月乙未大祀天地於南郊夏四月振河南

饑五月庚寅吐魯番以哈密來歸甲辰錄自宮男子三千四百餘人充海戶是月振陝西饑秋七月乙未小王子犯薊州白羊口太監張忠監督軍務左都督劉暉充總兵官帥東西官廳軍禦之丙午命工部侍郎趙璜俞琳飭畿內武備八月丁巳命左都御史彭澤成國公朱輔帥京營兵防邊庚申賜宛平縣被寇者人米二石甲子楊一清致仕戊辰以王守仁為僉都御史巡撫南贛汀漳時江西羣盜復起守仁次第討平之丁丑以禮部

尚書蔣冕兼文淵閣大學士預機務九月吐魯藩復據哈密侵肅州殺遊擊芮寧冬十月己酉朔享太廟遣使代行禮十一月甲申免湖廣被災稅糧是年琉球天方入貢

十二年春正月己丑大祀天地於南郊遂獵於南海子夜中還御奉天殿受朝賀三月癸巳賜舒芬等進士及第出身有差戊戌以兩淮浙江四川河東鹽課充陝西織造夏四月壬子靳貴致仕丙辰副總兵鄭廉敗吐魯

番於瓜州五月丙子以禮部尚書毛紀兼東閣大學士
預機務六月乙巳朔日有食之秋八月甲辰徵服如昌
平乙巳梁儲蔣冕毛紀追及於沙河請回蹕不聽己酉
至居庸關巡關御史張欽閉關拒命乃還丙辰至自昌
平戊午夜視朝癸亥命副都御史吳廷舉振湖廣饑丙
寅夜徵服出德勝門如居庸關辛未出關幸宣府命谷
大用守關毋出京朝官九月辛卯河決城武壬辰如陽
和自稱總督軍務威武大將軍總兵官庚子輸帑銀一

百萬兩於宣府冬十月癸卯駐蹕順聖川甲辰小王子
犯陽和掠應州丁未親督諸軍禦之戰五日辛亥寇引
去駐蹕大同十一月丁亥召楊廷和復入閣戊子還至
宣府十二月癸亥羣臣赴行在請還宮不得出關而還
閏月丁亥迎春於宣府是年琉球烏斯藏入貢

十三年春正月辛丑朔帝在宣府丙午至自宣府命羣
臣具綵帳羊酒郊迎御帳殿受賀丁未罷南郊致齋庚
戌大祀天地於南郊遂獵於南海子辛亥還宮辛酉復

如宣府是月振兩畿山東水災給京師流民米人三斗
瘞死者二月己卯太皇太后崩壬午至自宣府三月戊
辰如昌平夏四月己巳朔謁六陵遂幸密雲五月己亥
朔日有食之駐蹕喜峰口戊申至自喜峰口六月庚辰
太皇太后梓宮發京師帝戎服從甲申葬孝貞純皇后
乙酉至自昌平秋七月己亥錄應州功叙陞陞賞者五
萬餘人丙午復如宣府八月乙酉如大同九月庚子次
偏頭關癸丑敕曰總督軍務威武大將軍總兵官朱壽

親統六師肅清邊境特加封鎮國公歲支祿米五千石
吏部如敕奉行甲寅封朱彬為平虜伯朱泰為安邊伯
冬十月戊辰渡河已卯次榆林十一月庚子調西官廳
及四圍營兵赴宣大壬子次綏德幸總兵官戴欽第十
二月戊寅渡河幸石州戊子次太原是年琉球天方衛
拉特入貢

十四年春正月丙申朔帝在太原甲辰改卜郊壬子還
宣府二月壬申至自宣府丁丑大祀天地於南郊遂獵

於南海子是日京師地震已丑帝自加太師諭禮部曰
總督軍務威武大將軍總兵官太師鎮國公朱壽將巡
兩畿山東祀神祈福其具儀以聞三月癸丑以諫巡幸
下兵部郎中黃輦六人於錦衣衛獄跪修撰舒芬百有
七人於午門五日金吾衛都指揮僉事張英自刃以諫
衛士奪刃得不死鞠治杖殺之乙卯下寺正周叙行人
司副余廷瓚主事林大輅三十三人於錦衣衛獄戊午
杖舒芬等百有七人於闕下是日風霾晝晦夏四月甲

子免南畿被災稅糧戊寅杖黃輦等三十九人於闕下
先後死者十一人五月己亥詔山西山東陝西河南湖
廣流民歸業者官給廩食廬舍牛種復五年六月丙子
寧王宸濠反巡撫江西右副都御史孫燧南昌兵備副
使許達死之戊寅陷南康己卯陷九江秋七月甲辰帝
自將討宸濠安邊伯朱泰為威武副將軍帥師為先鋒
丙午宸濠犯安慶都指揮楊銳知府張文錦禦却之辛
亥提督南贛汀漳軍務副都御史王守仁帥兵復南昌

丁巳守仁敗宸濠於樵舍擒之八月癸未車駕發京師
丁亥次涿州王守仁捷奏至秘不發冬十一月乙巳漁
於清江浦壬子冬至受賀於太監張陽第十二月辛酉
次揚州乙酉渡江丙戌至南京是歲淮揚饑人相食賽
瑪爾堪入貢

十五年春正月庚寅朔帝在南京癸巳改卜郊夏四月
己未振淮揚諸府饑六月丁巳次牛首山諸軍夜驚秋
七月小王子犯大同宣府八月癸未免江西稅糧閏月

癸巳受江西俘丁酉發南京癸卯次鎮江幸大學士楊
一清第臨故大學士靳貴喪九月己巳漁於積水池舟
覆救免遂不豫冬十月庚戌次通州十一月庚申治交
通宸濠者罪執吏部尚書陸完赴行在十二月己丑宸
濠伏誅甲午還京師告捷於郊廟社稷丁酉大祀天地
於南郊初獻疾作不克成禮是年琉球占城佛郎機吐
魯番入貢

十六年春正月癸亥改卜郊二月己亥巡撫雲南副都

御史何孟春討平彌勒州苗三月癸丑朔日有食之庚申改西官廳為威武團營乙丑大漸諭司禮監曰朕疾不可為矣其以朕意達皇太后天下事重與閣臣審處之前事皆由朕誤非汝曹所能預也丙寅崩於豹房年三十有一遺詔召興獻王長子嗣位罷威武團營遣還各邊軍革京城內外皇店放豹房番僧及教坊司樂人戊辰頒遺詔於天下釋繫囚還四方所獻婦女停不急工役收宣府行宮金寶還內庫庚午執江彬等下獄世

宗入立五月己未上尊謚廟號武宗葬康陵

贊曰毅皇承孝宗之遺澤民庶樂康朝多耆舊使有中
主之資委裘端拱亦可蒙業受成也顧乃昵比小人慢
遊淫戲萬幾坐曠大柄潛移劉瑾煽禍於前江彬肆毒
於後紀綱廢墜中外寒心矣然且俘叛藩靖羣盜卧薪
厝火危而不亡將天心未厭猶欲扶持而安全之耶一
傷於狎虎再病於覆舟身殞豹房卒用不嗣禽荒色荒
之戒有以夫